

# **Suliffeqarnermi innersuussisarneq il.il pillugit Inatsisartut inatsisaata nr. 5, 8. juni 2014-imeersup allannguuteqartinnissaa pillugu Inatsisartut inatsisaat (Suliffinnut nittartakkap atorineqarnera)**

## **§ 1**

Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imi makkuninnga allannguuteqassaaq:

**1. § 10** imatut oqaasertalerneqassaaq:

**”§ 10.** Suliffissarsiortunik aamma suliffinnik neqeroorutiniq nalunaarsuinermit aqutsinermullu Naalakkersuisut nuna tamakkerlugu suliffinnut nittartakkamik pilersitsisinnaapput.

*Imm. 2.* Kommunalbestyrelsip Kalaallit Nunaanni suliffinnik inuttaligassanik tamakkerlugit isiginninniarlutik suliffinnut nittartagaq atussavaa, suliffissarsiortunullu suliffiit innersuussissutigissallugit.

*Imm. 3.* Suliffissarsiortup suliffinnut nittartakkamut CV-ni inississavaa. Suliffinnut nittartakkap atorineqarneranik kommunalbestyrelse ilitsersuissaaq, aammalu suliffissarsiortoq nammineq pisinnaanngippat suliffissarsiortup CV-a suliffinnut nittartakkamut inississallugu.

*Imm. 4.* Suliffissarsiortup suliffinnut nittartakkami CV-ni nutarsartuartassavaa.

*Imm. 5.* Suliffinnut nittartakkamut tamanik takussutissiisumik CV-mik inissiinissaq suliffissarsiortuusutut aamma suliffeqarfimmut piareersimasuusutut isigineqarnissamut piumasaqaataavoq.”.

## **§ 2**

Inatsisartut inatsisaat 15. juli 2015-imi atuutilerpoq.

*Namminersorlutik Oqartussat, 3. juni 2015*

Kim Kielsen

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut